

Reglugerð þessi staðfestist hér með samkvæmt lögum nr. 40 29. maí 1957, um leigubifreiðar í kaupstöðum og kauptúnum, til að öðlast þegar gildi og birtist til eftirbreytni öllum þeim, sem hlut eiga að máli.

Samgöngumálaráðuneytið, 30. júní 1964.

Ingólfur Jónsson.

Brynjólfur Ingólfsson.

REGLUGERÐ

um breytingu á hafnarreglugerð fyrir Vopnafjarðarkauptún,
nr. 33 25. febrúar 1949.

1. gr.

22. grein reglugerðarinnar orðist þannig:

Skip og bátar, sem eru í eigu manna, búsettra á Vopnafirði, skulu greiða hafnargjöld einu sinni á ári. Þilfarsbátar fastagjald kr. 200.00 eða kr. 25.00 af hverri brúttó rúmlest. Opnir trillubátar 6 rúmlestir eða minni kr. 100.00 í fastagjald eða kr. 25.00 á brúttó rúmlest. Gjaldalagi sé 1. ágúst ár hvert.

Öll önnur skip nema þau, sem undan eru skilin í 21. gr., 12 rúmlestar og stærri, greiði kr. 0.80 af hverri brúttó rúmlest í hvert sinn, er þau koma til hafnar.

Innlend strandferðaskip skulu greiða kr. 0.60 í hafnargjald af nettóstærð skipsins í hvert sinn, sem þau koma til hafnar.

2. gr.

25. gr. reglugerðarinnar orðist þannig:

Hvert skip, sem leggst að bryggju eða skipi, sem við hana liggur, skal greiða bryggjugjald af brúttóstærð skipsins, talið í heilum tölum.

a. Af aðkomubátum:

5— 12 rúmlestir	kr.	20.00
12— 40 —	—	30.00
40— 60 —	—	40.00
60—100 —	—	60.00
100—150 —	—	80.00
150—250 —	—	110.00

b. Heimabátar, (árgjald):

6— 12 rúmlestir	kr.	75.00
12— 20 —	—	120.00
Trillubátar	—	40.00

c. Strandferðaskip skulu greiða kr. 0.45 af nettóstærð skipsins.

d. Öll önnur skip skulu greiða kr. 0.60 af hverri brúttórúmlest.

3. gr.

Á eftir 25. grein reglugerðarinnar bætist við ný grein, sem verður 26. grein og breytist greinatala reglugerðarinnar til samræmis við það, svo hljóðandi:

Skip, sem halda til í höfninni, eða hafa uppsátur innan takmarka hafnarinnar 4 mánuði af árinu eða lengur og eru minni en 100 rúmlestir brúttó, skulu greiða ljósagjald kr. 50.00 á ári, og er gjalddagi 15. janúar ár hvert.

Öll önnur skip skulu greiða ljósagjald kr. 0.10 af hverri nettórúmlest, þó aldrei minna en kr. 30.00 í hvert sinn, er þau koma til hafnar.

4. gr.

4. málsgr. 29. greinar reglugerðarinnar, sem verður 30. gr., orðist þannig:

A. Gjald fyrir aðfluttar vörur:

1. flokkur. Gjald kr. 2.00 fyrir hver 100 kg:
Kol, salt, sement, áburður og fódurvörur, kornvörur, garðávextir, sykur, vikursteinn og vikurplötur.
2. flokkur. Gjald kr. 3.00 fyrir hver 100 kg:
Málningarvörur, eldfastur leir, járn og stálvörur, krít, sódi, þakpappi, asbest, haðlyf, sápuvörur, veiðarfæri, pappír, strigavörur, rúðugler, segldúk, tvistur, matvara ótalin annars staðar.
3. flokkur. Gjald kr. 3.50 fyrir hver 100 kg:
Gasolía, benzín, brennsluolíur, smurolía, ljósaolía.
4. flokkur. Gjald kr. 4.00 fyrir hver 100 kg:
Kaffi, kakó, te, brauðvörur, jurtafeiti, smjörlíki, ávextir, leirvörur, bækur, niðursuðuvörur, eldspýtur, leðurvörur, togleðurvörur, lyfjavörur, vefnaðarvörur, linoleum, gólf- og veggflísar, rafmagnsvörur og efni.
5. flokkur. Gjald kr. 10.00 fyrir hver 100 kg:
Glervörur, glysvarningur, sælgætisvörur, öl, gosdrykkir, tóbaksvörur, áfengi, sportvörur.
6. flokkur. Gjald kr. 1.00 fyrir hvert teningsfet:
Timbur, tunnuefni og aðrar líkar vörur.
7. flokkur. Gjald kr. 1.50 fyrir hvert teningsfet:
Húsmunir og hljóðfæri.
8. flokkur. Gjald kr. 1.00 á hverja tunnu:
Tómar tunnur.
9. flokkur. Gjald á hvert stykki:

Kindur og loðdýr	kr.	5.00	á hvert stykki.
Stórgripir	—	10.00	— — —
Reiðhjól	—	5.00	— — —
Reiðhjól vélknúin	—	10.00	— — —
Dráttarvélar	—	100.00	— — —
Jeppar og fólksbifreiðar	—	150.00	— — —
Vörubifreiðir	—	200.00	— — —
Vinnuvélar stórvirkar	—	250.00	— — —
Bátar opnir	—	150.00	— — —
10. flokkur. Gjald kr. 5.00 fyrir hver 100 kg.
Allar vörur ótaldar annars staðar.

B. Gjald fyrir brottfluttar vörur.

1. flokkur. Gjald kr. 2.50 fyrir hver 100 kr:
Fiskur í hvers konar ástandi, síldar- og fiskimjöl, lýsi, kjöt, sjávarafurðir ótaldar annars staðar, mör, tólg, gærur, húðir, ull, ullarvörur, dúnn og fiður.

2. flokkur. Gjald kr. 4.00 fyrir hverja tunnu:
Síld, garnir, hrogn, kjöt í tunnum.
3. flokkur. Minnsta gjald kr. 3.00 fyrir hvert stykki, þótt vörur flokkist undir brottfluttar vörur til staðarins, eða vörur flokkaðar undir aðfluttar vörur flytjist frá staðnum, breytir það engu um vörugjaldið.

Vörugjald fyrir óvenjulegar vörur, sem vafasamt þykir hvernig flokka skuli, ákveður hafnarnefnd.

5. gr.

Á eftir 29. grein reglugerðarinnar, sem verður 30. grein, bætist ný grein, sem verður 31. grein og greinatala reglugerðarinnar breytist til samræmis við það, svo hljóðandi:

Greiða skal aflagjald til hafnarinnar, af afla sem landað er á hafnarsvæðinu sem hér segir:

1. flokkur. Gjald kr. 0.80 fyrir hver 100 kg:
Sjávarafurðir lagðar á land, aðrar en síld.
 2. flokkur. Gjald kr. 1.00 fyrir hvert mál af síld í bræðslu.
 3. flokkur. Gjald kr. 0.75 fyrir hverja uppmælda tunnu síldar í salt og frystingu.
- Gjald þetta er kræft um leið og afla er landað, og ber eigandi skips eða umboðsmaður hans ábyrgð á greiðslu þess. Skyldir eru skipstjórar og formenn að gefa hafnarverði upp heildarafla skips í hvert sinn.

Ef það er ekki gert, skal hafnarvörður áætla aflamagnið og innheimta aflagjald samkvæmt þeirri áætlun.

Hafnarsjóður hefur haldsrétt á afla, þar til aflagjöld eru að fullu greidd.

Heimilt er hafnarnefnd að semja um aflagjöld heimabáta.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og landingarbætur, til að öðlast þegar gildi og birtist til eftirbreytni öllum þeim, sem hlut eiga að máli. Jafnframt falla úr gildi 1., 2., 3. og 4. gr. reglugerðar nr. 70 26. júní 1959.

Samgöngumálaráðuneytið, 1. júlí 1964.

Emil Jónsson.

Brynjólfur Ingólfsson.

S A M Þ Y K K T

um sveitarstjóra í Neshreppi utan Ennis.

1. gr.

Hreppsnefnd kýs sveitarstjóra og skal ráðningartími hans vera til loka kjörtímabils hreppsnefndar.

2. gr.

Laun sveitarstjóra skulu vera eftir 22. flokki, í tillögum Sambands íslenzkra sveitarfélaga, um laun starfsmanna sveitarfélaga, auk ferðakostnaðar í þágu sveitarfélagsins.

3. gr.

Sveitarstjóri annast öll þau störf, sem oddvita eru falin samkvæmt 39. gr. sveitarstjórnarlaganna nr. 58 29. marz 1961.